

眉山吳公來代益重其事趨成之胡君乃以書來請記於石予惟大賢君子所以能使人久而追崇者非區區末學所知顧請之之意堅不可已也惟兩先生在宋盛時泰山來自平陽而寓於魯其學長於春秋

著尊王發微簡易公平多得經之本義一時名公賢士高其學行至妻以女或就見之後范文正公富鄭公交薦其賢始授官官止殿中丞但徠則生於魯者當孫公居泰山之時實師事之其為人好善嫉惡嘗

著怪說中國論及唐鑑以為世戒而慶曆聖德詩尤為人所傳誦常以經術教授於卿後在太學益以師道自居太學自此而興初舉進士甲科官止太子中允蓋兩先生平生見於歐陽文忠公墓誌而國史取以為傳者其大畧如此按其言論其世信其為大賢君子卓然出乎流俗而哀然為一方之望者也故在當時並為人所尊仰至即其所居山稱之以配其德可謂至矣泰山雖嘗被薦而人亦嫉之不得盡其用

若徠之剛直既沒而禍患作幾不能保其遺骸而庇其妻子蓋小人之不相容亦勢之所必至者今去之六百年雖天下知有兩先生而魯為所寓所產之地道德之風藹然猶存宜人尤尊仰之祠象煥焉而

不至卒廢人心之公不能自已如此又歐陽公所謂發先生之光者今則愈久而愈光矣兩先生堯舜守臣又推朝廷尊賢之意既加封護惟謹且二氏幸皆有後而石差繁復遷其人入學充弟子負魯人之思庶幾慰之因併載其事俾刻之祠下云

縣一

九

岱史第十一卷宮室志

叙曰古宮室者何志其宅岱宗之勝而登臨者藉以盤桓也夫自古名亭佳館崇閣危樓必據山川之勝槩斯擅寰宇之偉觀而勝莫如岱則據勝莫如岱宮室矣天地其濶際日

月其戶牖烟霞其几席風雨其洒掃不越乎楹檐樞梲而超然遠凝灑然周覽曠然出人境惟茲獨也豈不稱上界清都哉其間過化亭則宣聖之芳躅泰山書院則孫石名賢之故墟觀海亭挾仙宮則浴日御風之氣際仰

止亭迎賓堂則奉送

朝命而禮當途之冠裳此又宮室中最稱勝者大抵危崖峻嶺之上材木領壁轉運最艱即一磚之費十倍平地乃其後夫噉嘔血汗可憐之狀余嘗自擊馬而雲蒸霧鬱日烈風剛於漉地又最易以故有崇構見稱於古而今僅存其名者余嘗謂岱巔工役勿務華務堅固勿務新創務時其舊構勿待其大傾頽然後葺之以致耗財動眾而居守又必有專責焉是亦節愛之一事云

觀海亭即日觀亭在嶽頂日觀峰秦訪樊獻
科題石扁曰日觀揚綠立石碑二曰東觀
日本西望河源蔡叔廉勒石坡曰天下名
山第一
挾仙宮在嶽頂觀海亭之西萬恭題扁曰憑

虛御風宮後石屏大書曰孔子小天下處
嶽頂公署惟此最寬廣達官燕飲恒於斯
過化亭在嶽頂稍西孔子崖吳謙勒石崖曰
泰山喬嶽

仰止亭即西公署也在碧霞宮西前後三間
俱有翼室前巡撫都御史今工部尚書何
起鳴題扁曰仰止云天柱峰玉女池秦斷
碑俱在亭之後凡達官止宿恒於斯
東公署在碧霞宮之西其制稍隘於西公署
香棧總巡官憩息之所

乾坤樓在大龍峪下侍即洪朝選題今名扁
侍即萬恭又扁前楹曰礪山帶河
半山亭在朝陽洞之西南山上
誠意門公署在誠意門之西凡三間傍有翼
室

五松亭前後俱三間前廳有翼室亭前秦始
皇封松樹五故名又名御帳以宋真宗曾
此駐蹕也今其松存者三馬是亭當嶽之
中道達官每飯中火於此或於誠意門公
署

嶽巖亭取義於詩舊在岳麓王母池東成化
間崇政張盛移建水簾洞左
飛雲閣在岳南陲曰紅門歲久圯廢今紫石
為臺上有棟宇下通梁道循閣之制也方
元煥書扁曰梯雲石刻曰蓬玄洞天和一

鳳篆書曰仰止
高山流水亭在晒經石隆慶間都御史萬恭
初建自為之記
萬恭石壁記
余既表泰山之巔掠岱麓而南下則憩晒

經之石石廣可數畝備刻梵經皆八分書
大如斗不知何代所為近有好奇者則刻
大學聖經於上端以勝之余乃大書曝經
石字皆博可六七尺刻深三寸垂不磨以
助其勝比岱石巖石若斬截而成澗水漫

石而下以懸于空巖若垂萬珠馬余輒大
書水簾字深刻之水漸漸浙字上字隱隱
匿水中斯泰山之至奇觀也已乃穿澗水
而西得石壁高約十五尺廣約四十尺夷
出天成下擁石基余東向而立則水簾之

泉冷冷出其左而挑柳數十株蔚蔚其若
余遂倚石壁為之亭亭悉以石石柱四直
入石基其深尺有咫上覆以石板今未久
登泰山者得憩息萬權焉余嗜鼓琴輒顧
從者曰夫是倚岱麓之壁也斯不亦高山

乎夫是臨水簾之泉也斯不亦流水乎為
子援琴而絃之遼泰山之神聆廣陵之歌
若將巍巍乎志在高山也又洋洋乎志在
流水也是謂神品亦謂神解從者悅遂命
之曰高山流水之亭

更衣亭在岳之紅門道左凡衣冠之士登岳
至是易便服以行故名
且止亭在更衣亭西有石刻亭名三大字
迎賓堂在岳祠東齋之南有司宴 王人及
大賓客之所

誠明堂在岳廟內之西延禧殿後九 朝廷

遣大臣有事于岳者居之

御香亭在誠明堂後九 朝廷遣使齋香於

岳祠先置於亭擇吉而後奠神垣周石刻

名人詩文

泰山書院在岳南凌漢峰下舊為唐詩人周

朴菴後為孫復石介胡瑗講習之地嘉靖

間接祭僉事盧問之創三楹受孫石靈位

尚賢存古蹟也邵賢有詩曰千古清風仰

孫石獨遺堂址向岩隈

○泰陰亭在州城之南宋真宗登封古蹟也巡

按御史吳從憲建亭有記

吳從憲泰陰記畧

余按山東之明年暮春三月循泰岱將有

事於登萊因與同事諸司臨拜嶽祠陟登

封臺而往蹟之僅存者惟秦之斷碑與唐

之磨崖其他皆湮沒磨滅不可復觀及還

州治知州事李逢暘請曰城南有陰字碑

者乃宋真宗御書封禪紀文距州半里而

近此祥符中東封故蹟也時偕同事往觀

錄一

十三

之碑九五面相合而成屹然如列屏嶂非
特其製與他碑迥異而其敬天尊祖謙遜
辭讓之意百世之下讀其文字猶令人肅
然歛容稽首而莊誦之也然而時移代變
昔之金泥玉檢光函萬丈今則蓋藏委翳

於荒墟蕞蕞之區其不為湮沉磨滅者無

幾矣余因是竊有慨焉乃戒有司除地築

亭于陰碑之北是秋九月望日從事者均

來告成亭九五間砌以石址臨于濛濛重

門深迥畫棟高暉碑碣峙前儼如上帝之

臨雉堞擁後恍若海市之觀北瞻秦嶽壁

立萬仞則勃然仰止之思南盼徂徠直道

偃蹇則惕然尚友之志視嚮日荒墟蕞蕞

之區今則巖巖翼翼蔚然大觀非直為是

州奇勝而奎章宸翰輝映今古真亦有尤

於秦嶽也矣於是命工人篆其碑之南曰

秦陰碑揭其亭曰昭事上帝翌其門曰升

中古蹟州之士民樂其有斯亭也夾道樹

以槐栢後渠種以芰荷仍取其地之中作

為花塢周以柵欄多植奇花麗草以待四

方賓客之觀翼亭之西拓地半畝築室數
間以為往來憩息庖羞之所由是至斯亭
者莫不徘徊竟日而不能去也嗚呼可謂
盛矣

環翠亭在蒿里社首二山間登此北眺岱岳

餘三面則較牛徂徠諸山蒼翠環峙故名

萃羨亭在岳之西址去州治十里金知州姚

建榮建元奉高尹王悟重脩薦訪使徐琰

記亭今廢記石移置文廟

徐琰記畧

○天下名山魏然大岩然而尊者泰山而

已泰山勝境窈然而深蔚然而秀者西溪

而已溪居岱宗之右麓延袤數十里樹林

陰翳磴道崎嶇清泉奇石瑰瑋萬狀行愈

遠而山愈奇境愈勝極溪之所窮巔崖百

丈懸流下擲望之如垂練天紳泉也天紳

之西有巨壑焉一水自天勝巖落為盤石

所散漫瀉於壑之上聲若建瓴然水簾洞

也而又芙蓉懸刀飛鶴獅子諸峯削翠其

上黑蟒白龍神潭水府潛琤其下雲烟吐

錄一

十四

天晦明變滅跳珠濺沫轟雷掣電顧接有
所不暇真山水之窟宅大壤之與區也金
大定間泰安太守姚公面水簾而瞰天紳
創構一亭樽俎不移而諸景咸會因榜之
曰萃美坡詩有云江山雖有餘亭樹着難

穩登臨不得要萬象各偃蹇吾不知世間
得登臨之要有如此亭者乎

靈液亭在岳頂王女池北宋建今廢
醴泉亭在天書觀宋時所建

環詠亭在東嶽廟御香亭西周垣詠許四面

石刻古今名人詩詠故以命名也其間有

韓琦蔡襄范仲淹歐陽脩石曼卿蘇子美
林逋諸公題識種放會真宮詩而放刻則
煙沒不可見矣惟諸公題識姓名尚在歲
久亭廢諸石刻淪於荒穢中萬曆十四年

按臺侍御毛 允行後項呈議委濟南府
通判桑東陽仍其舊址復構亭宇將韓范
歐陽諸公姓名手筆拂拭而維新之先賢
數百年遺蹟蓋重光焉足以昭示將來俾
知所仰止云

查志隆表章韓范歐陽諸名賢遺蹟議
照得泰山形勝古今登覽遺蹟種種無庸
殫述夫秩文尚矣人品急焉惟其人誠賢
故其言誠立即片語隻字而姓履名馨當
世想見其手采後世聞之亦莫不延慕與

起何論模仿其文華輒欲刑儀其質行以
此磨礪人材維持世道故其遺蹟有足多
也竊見岱廟西偏 御香亭之右自古有
環詠亭一座其來久遠不知創自何代何
年蓋四面垣墻俱石刻先代名賢題詠聯

翩手筆而亭宇介於其中瞻顧諸所題詠
若環繞焉故因以命名也其間名賢之最
著者若韓魏公若范文正公若歐文忠公
若蔡端明蘇子美梅聖俞林和靖石曼卿
諸公皆先宋人物其手筆尤不容湮沒者

奈何近歲亭宇久廢尚幸亭之稱名存於
舊志中職按舊志而求故址則彼卿人士
絕無知者轉展諮詢延歷時日今幸得其
故址幸四面垣墻石刻依然尚在只廢缺
一隅更幸韓范歐蔡諸名賢手筆無恙惟

是塵埃滿壁未易分披污穢蘊崇不堪舉
趾職於茲深慨焉俯仰古今其責在後之
君子若不及今為之表章則四面垣墻旦
夕盡廢不止僅廢一隅而已何忍諸名賢
數百年遺蹟當 盛世而湮沒豈不有媿

於斯文哉况舊貫可仍不由新創而一亭
工費為值幾何合無仍其舊址復構亭宇
仍扁曰環詠而四面垣墻題詠見存者拂
拭之其一隅已廢缺者即將 國朝名賢
題詠補入而繕完之則豈惟更新先宋諸

名賢遺蹟而益彰 國朝人文之盛豈惟
增光岱嶽相為終始而於所謂磨礪人材
維持世道者未必不藉此興起也職不勝
大願 萬曆十四年十一月廿五日議

白雲軒在嶽頂西南稍下鳳凰山之陽有白
雲洞馬萬曆十四年巡撫都御史李 以
禱雨登岱賞識其勝協謀於巡按御史韓
建枋以表之又為之亭為之軒巡按
御史毛 繼代共落其成詳見記文中
都御史李戴白雲軒記

合歲夏余抵奉

上命填撫東土時苦旱魃為災未及受代輒禱于泰山之神為元元乞一旦之命竊私念公羊傳所稱不崇朝而雨天下者泰山之靈也今安得為靈為雨即符所禱哉已

而見白雲曩曩布護山谷蓋自白雲洞中出也因往躡之則在鳳凰山之陽石壁陡絕而下洞高丈許廣亦稱是中有石竅廣二尺深僅尺許而洞之下陡峻深谷又不可測所謂百丈崖者是也洞中石竅四時水常溢注其來無形不知所自夏月則其勢愈盛沛然旁達故相傳為龍洞甘露又曰雲根雨脉云余於此益信兩天下之言不誣也圖所為標其勝宜無如斯言者一日以語摺臺謹憚侍御則手筆兩天下

三字勒石洞門余檄有司樹之坊坊稍北構亭一楹亭稍北構軒三楹而軒之宅勝最奇背負石壁如屏左右如翼獨開一面甚闊曠憑極俯視大小龍峪如蒼龍噴水而山麓行人摩有接踵雜遝如蟻近眺利

但徠山當其左傲來山當其右遠眺則云云亭亭在梁父又環列星羅畢數奇偉噫斯天下之大觀也已陟斯洞憩斯軒者寧無霖雨天下之思乎哉矣但選勝擊秀云爾有司竭余記之是舉也前按臺韓西

玄侍御與其議今按臺毛文源侍御會其成其餘有司執事勸之碑陰萬曆丙戌仲冬吉旦

欽差巡撫山東等處地方提督軍務督理營田兼管河道都察院右副都御史廉廷李



岱史第十二卷物產志

叙曰易志乎物產也言物產莫尚乎山而泰山尤廣生大生之區也禹貢曰岱畎絲貝鼈松栝石神農經載泰山諸藥右而山海經曰其上多玉其下多金多水其道書福地曰泰

山多芝草主石是皆物產之闕於古昔也譚者謂古昔山東富饒甲天下利賴於泰山居多有膏然者自今觀之石山鮮茂林剛風罕宿羽寒窟無群獸有巖深澗詎復有良玉仙芝惟是藥草緣崖藥石滿谷如天麻青芝赤

石脂紫石英諸靈品絕異他產則永求為世人扶顛起死以弘濟壽域其為寶弗啻金玉而已夫泰山之興寶藏詎分古今哉古昔用之有節故恒見其富饒晚近世費出不經上既橫斂下復侈靡即罄山海之珍難乎其繼

山東富饒之不逮古其以是夫余於茲有深慨焉

木有秦松在黃現嶺秦始皇登泰山遇風雨避於松下遂封為五大夫五大夫者秦官名第九爵也唐陸贄作禁中卷松詩云不